

# 卷一百六十二



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百六十二  
 內容分類 史 政書 歷代通制  
 索書號 貴重-17  
 編號 B3510400

[彩色首頁1](#)

[東洋文化研究所漢籍目錄 編號: B3510400](#)  
[東洋文化研究所漢籍目錄所藏漢籍善本文影像資料庫 索書號: 貴重-17](#)  
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)  
 版權所有: [東京大學 東洋文化研究所](#)  
[使用上的注意事項](#)

杜氏通典卷第二十五

職官七

諸卿上 總論諸卿  
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 珍羞署

良醞 主簿 掌醢署 太官署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 典廩署

正 典牧署 主簿 乘黃署 諸牧監

司直 丞 評事 主簿 監 獄丞

奪敵心計

後漢初寇恂征隗囂囂將高峻守第一鎮也遣軍師  
皇甫文出謁恂辭理不屈恂怒斬之遣其副歸告峻  
曰軍師無禮已戮之矣欲降急降不欲固守峻惶恐  
即日開城降諸將皆賀因曰敢問殺其使而降其城  
何也恂曰皇甫文峻之腹心其所取計者今來辭意  
不屈必無降心全之則文得其計殺之則峻亡其膽  
是以降耳諸將皆曰非所及也

杜氏通典卷第一百六十一

杜氏通典卷第一百六十二

兵十五

敵無固志可取之

歸師勿追

大陣動則亂因乘之而敗

先設伏乘勢逐敵敗之

乘勝

乘勢先聲後實

因敵懼遂取之

推人事破災異 散衆

風雲氣候雜占

敵無固志可取之

孫子曰必生可虜

將怯弱則有必生之意可急擊而取之

春秋時晉師伐楚至於邲

必切

楚師出陣楚將孫叔敖曰進之寧我薄人無人薄我詩云元戎十乘以先



啓行先人也

元戎戎車在前詩小雅言王者軍行則必有戎車十乘在前開道先人爲備也

軍志曰先人有奪人之心薄之可也

奪敵戰必先遂疾進

師車馳卒奔乘晉軍晉帥荀林父不知所爲鼓於軍

中曰先濟者有賞中軍下軍爭舟舟中之指可掬

兩手

曰下軍祥符趙嬰齊使其徒先具舟于河故敗而先

濟先具舟有春秋時晉侯伐齊齊侯駕將走郵棠

郵棠

齊太子與郭榮扣馬齊大夫也曰師速而疾略也

言欲行必將退矣君何懼焉且社稷之主輕則失衆

君必待之將犯之太子抽劔斷鞅乃止於是晉師東

侵至維南及沂齊侯納太子諫遂不敗春秋時吳伐楚楚師敗

及清發水將擊之夫槩謂王曰困獸猶鬪况人乎着

知而不免而致死必敗我若使先濟者知免後者慕

之茂有闕心矣半濟而後可擊也後之又敗之楚人

爲食吳人及之奔食而又後之敗諸雍澁五戰及郢

奔食食者走不陣澁音誓漢將趙克國討先零羗羗久屯聚解弛

覩見大軍乘車重欲渡湟水道陝狹克國徐行驅之

或曰逐利無行遲克國曰此窮寇不可迫也緩之則

走不顧急之則還致死諸將校皆曰善虜果赴水溺

死者數百於是破之後漢涼州賊王國圍陳倉不拔

而去漢將皇甫嵩進兵擊之董卓曰不可兵法窮寇

勿迫歸衆勿追今我追國是迫歸衆追窮寇也困獸

猶鬪蜂虿有毒况大衆乎嵩曰不然前吾不擊避其



銳也今而擊之待其衰也所擊疲師非歸衆也國衆且走莫有鬪志以整擊亂非窮寇也遂獨進擊之使卓爲後拒連戰大破斬首萬餘級國走而死矣○晉將劉毅泝江追桓玄戰於崢嶸洲于時官軍數千玄兵甚盛而玄懼有敗衄常漾輕舸於舫側故其衆莫有鬪心官軍乘風縱火盡銳爭先玄衆大潰○隋煬帝征高麗隋大將宇文述與九軍過鴨綠水又車濟蔭水去高麗平城三十里因山爲營高麗國相乞支文德遣使僞降請述曰遂旋師者奉其主高元朝行在所見士卒疲弊不可復戰又平壤險固卒難致力遂因其詐而還半濟賊擊大軍於是大潰不可禁止

九軍敗績一日一夜還至鴨綠水行四五百里初渡遼九軍三十萬人還至遼東城唯二千七百人耳

### 歸師勿遏

孫子曰歸師勿遏

若窮寇迫還依險而行人人懷歸敢能死戰徐觀其變而勿遠遏截

之後漢末曹公圍張繡於穰劉表遣兵救繡以絕軍後公將引還繡兵來追公軍不得進連營稍前到安衆繡與表兵合守險公軍前後受敵公乃夜鑿險爲地道悉過輜重設守兵會明賊謂公遁也悉軍來追縱竒兵步騎夾攻大破之公謂荀彧曰虜追吾歸師而與吾死地吾是以知勝矣○十六國前漢符堅自征晉於壽春敗還長安慕容泓起兵于華澤堅將符



戲以茂實衝姚萇討之符戲勇果輕敵不恤士衆泓

聞其至也懼率衆將奔關東戲驅兵要之姚萇諫曰

鮮卑有思歸之心宜驅令出關不可遏也戲復從戰

于華澤戲敗績被殺○十六國夏赫連勃勃伐南涼

秃髮傉檀大敗之驅掠二萬七千口牛馬羊數十萬

而還傉檀率衆追之其將焦朗謂曰勃勃天姿雄鷲

御軍齊肅未可輕也今因抄掠之資率思歸之士人

自爲戰難與爭鋒不如縱温圍北度趣萬斛堆阻水

結營制其咽喉百戰百勝之術也傉檀不從勃勃聞

而大喜乃於陽武下峽鑿埋車以塞路勃勃乃勒

衆逆擊大敗之殺傷萬計○十六國後梁呂弘攻段

業於張掖不勝將東走業議欲擊之其將沮渠蒙遜

諫曰歸師勿遏窮寇勿追此兵家之戒也不如縱之

以爲後圖業曰一日縱敵悔將無及遂率衆追之爲

弘所敗業嘆曰不能用于房之言以至於此

孫子曰兵以詐立以利動以分合爲變者也兵一分

敵爲變兵法詐詭以利動故其疾如風進退其徐如

或合或離爲變化之術林不見利不前如風吹侵掠如火猛烈不動如山守

不信敵之誑難知如陰莫測如天之陰雲動如雷霆

疾速不及應也故太公曰疾雷指嚮分衆因敵而制

之所指向則先知迂直之計者勝此軍爭之法也



東晉前秦苻堅率兵來伐晉晉將謝石謝玄拒之堅遣其將朱序說石等以衆盛欲脅而降之序謂石曰若秦百萬之衆皆至則莫可以敵也及其衆未集宜在速戰若挫其前鋒可以得志晉將遣使請戰許之堅帥陣列逼淝水晉師不得渡晉將使請堅將苻融曰若懸軍深入置陣逼水此持久之計豈欲戰者乎若小退師令將士周旋僕與明公緩轡而觀之不亦美乎堅衆皆曰宜阻淝水莫令得上我衆彼寡勢必萬全堅曰但却軍令得過我以鐵騎向水逼而殺之不然因其濟水而覆之於是麾軍却陣軍遂奔退制之不可止玄以八千精卒渡淝水逼戰融馳騎畧陣

馬到被殺軍遂大敗晉師乘勝追擊死者相枕堅爲流矢所中單騎遁走○後周末隋文帝作相輔少主相州總管尉遲迥舉兵不從隋文帝遣將韋孝寬討之迥男惇都昆切率衆十萬人入武德軍於沁七馮切東拒之與孝寬隔水相持乃布兵二十餘里麾軍小却欲待孝寬軍半渡而擊之孝寬因其却乃鳴鼓齊進惇遂大敗○大唐光宅初武太后臨朝稱制徐敬業於揚州起兵以匡復皇家爲辭月餘日間致精卒數萬太后遣將軍李孝逸領兵討之敬業率軍拒於下阿谿方成列敬業謂其徒曰自知衣甲非厚者居後衆乃爭退孝逸之師因其動噪而奔擊乃大敗焉



先設伏乘勢逐敵敗之

東晉末盧循率衆數萬方艦而下晉相宋武帝率兵拒之出輕利聞艦躬提幡鼓命衆軍齊力擊之又上步騎於西岸右軍參軍庾樂生乘艦不進斬而殉之於是衆軍騰踊爭先軍中多萬鈞神弩所至莫不摧陷宋武自於中流蹙之因風水之勢賊艦悉泊西岸岸上軍先備火具乃投火焚之煙焰翳天賊衆大敗追奔至夜乃歸循等還得陽初分遣步兵莫不疑懼及燒賊艦衆乃悅服

乘勝

後漢末曹公征張魯定漢中劉曄進說曰明公以去

兵五千將誅董卓北破袁紹南征劉表九州百郡十弁其八威振天下勢懾內外今舉漢中蜀人覩風破膽失守推此而前蜀可傳檄而定也劉備人傑也有智度而遲新得蜀人猶未附今破漢中蜀人震恐其勢自傾以公之神明因其傾而壓之無不剋也若小緩之諸葛亮明於理而爲相關羽張飛勇冠三軍而爲將蜀人既定據險守要則不可犯也今不取必爲後憂曹公不從居數日蜀降者說蜀中一日數十驚備斬之而不能禁也曹公悔之又問曄曰今尚可擊否曄曰今已小定未可擊也曹公違之而失○晉鎮南將軍都督荊州杜元凱襲吳樂鄉在今江陵郡松滋縣東六十里虜都督



孫歆沅湘以南至于交廣觀風送款時衆會議或曰  
有年之寇未可盡尅今將暑熱水潦方降疾疫將起  
宜俟來冬大舉凱曰昔燕樂衆毅藉衆至西一戰以  
併強齊今主師兵威以震譬如破竹數節之後皆迎  
刃而解也遂指後群師直詣秣陵所過城邑莫不束  
手遂平吳國先議者慚而謝焉○十六國蜀李特攻  
晉將張徽徽軍潰特議欲釋徽還涪音浮諸將進曰徽  
軍連戰士卒傷減智勇俱竭宜因其弊遂擒之若舍  
而寬之徽養病收亡餘衆更命圖之未易也特從之  
復進攻徽潰圍走特遣將水陸追之遂害徽生擒徽  
子存以徽喪還之○東晉將周訪討賊杜會會大潰

殺千餘人訪夜追之諸將請待明訪曰會驍勇能戰  
向之敗也彼勞我逸是以尅之宜及其衰乘之可滅  
鼓行而進遂定漢沔○大唐武德初劉武周據大原  
使其將宋金剛屯於河東太宗往征金剛遁走太宗  
追擊大破之乘勝逐北一日一夜行二百餘里轉戰  
數十合士卒疲敝至高壁嶺總管劉弘執馬而諫曰  
糗糧已竭士卒疲頓願且停待兵糧咸集而後決戰  
太宗曰功者難成易敗機者難得易失金剛走到汾  
州衆心已沮我及其未定當乘其勢擊之此破竹之  
義也如更遲留賊必生計此失機之道遂策馬而去  
諸軍乃進莫敢以飢乏爲辭夜宿於雀鼠谷之西原



通典卷一百一十一  
太宗不食二百里不解甲三日軍中苦飢此夕唯有  
一羊太宗下撫將士與之同食三軍感恩皆飽而思  
奮明日趨汾州金剛列陣南北七星以抗官軍太宗  
遣總管李勣等當其北翟長孫等當其南親御大軍  
以臨之諸軍戰北爲賊所乘太宗率精騎三千直趨  
金剛賊衆大潰○武德初太宗征薛仁果大破之乘  
勝遂逼折墻城竇抗等苦諫曰賊主猶堅據城雖破  
其將宗羅侯未可即逼請按兵以候其變太宗曰筭  
之久矣破竹之勢不可失也賊大軍已敗餘衆何足  
爲虞克魁之計盡於此矣遂率衆而進至夜半軍臨  
賊城守陴者皆亂爭自投而師果窮蹙開門請降

乘勢先聲後實

春秋晉侯伐齊齊侯禦諸平陰塹防門而守之廣里  
晉將范宣子告齊大夫析文子曰吾知子敢匿情乎  
魯人莒人皆請一車千乘自其鄉入旣許之矣若入  
君必失國子盍圖之子家以告公公恐晏嬰聞之曰  
君固無勇而又聞是弗能久矣不能久敵齊師夜遁○漢  
王遣韓信破陳餘後信購致廣武君李左軍師事之  
韓信曰僕欲北攻燕東伐齊若何而有功對曰今將  
軍涉西河虜魏王擒夏說闕與一舉而下井陘不旬  
朝破趙二十萬衆誅成安君名聞海內威振天下此  
將軍之所長也然而衆勞卒罷音疲其實難用今將軍



欵舉倦弊之兵頓之燕堅城之下欵戰恐力不能情  
見勢屈曠日糧竭而弱燕不服齊必距境以自強也  
燕齊之持相而不下劉項之權未有所分也若此者  
將軍所短也臣聞善用兵者不以短擊長而以長擊  
短為將軍計莫如按甲休兵鎮趙撫其孤弱百里之  
內牛酒日至以饗士大夫驛兵魏都賦曰驛者順此  
時劉逵曰驛酒也  
首燕路而後遣辯士奉咫尺之書暴所長於燕燕必  
不敢不聽從燕已後使者東告齊齊必從風而服雖  
有智者亦難為齊計矣如是則天下事可圖也兵固  
有先聲而後實者此之謂也韓信並從之燕齊從風  
而靡

因敵懼遂取之

春秋時晉侯圍曹門焉多死攻曹城門曹人尸諸城上磔

死人於成晉侯患之聽輿人之誦稱舍於墓舍墓謂將師  
發塚也

遷焉曹人兇懼遷至曹人墓也兇克  
恐懼聲也音吁勇反為其所得者棺

而出之因其兇也而攻之遂入曹○晉將朱齡石伐

蜀賊譙縱縱將譙道福重兵守涪齡石師次平模去

成都二百餘里縱遣將侯暉譙悅屯平模夾岸連城

立柵齡石謂裨將劉鍾曰天方暑熱賊今固險攻之

難拔祇困我師吾欲蓄銳息兵伺隙而進卿以為何

如鍾曰不然前楊聲言大衆由內江故譙道福不敢

捨涪今重軍逼之出其不意侯暉之徒已破膽矣祇



可因其克懼而攻之勢當必剋剋平模之後自可鼓  
行而前成都必不能守若緩兵相持虛實相見涪軍  
復來難爲定也進不能戰退無所資二萬餘人悉爲  
蜀所虜耳從之翌日進攻皆剋斬侯暉等縱之城守  
相次瓦解

### 推人事破災異

周武王伐紂師至汜水牛頭山風甚雷疾鼓旌毀折  
王之駭乘惶震而死太公曰用兵者順天之道未必  
吉逆之不必凶若失人事則三軍敗亡且天道鬼神  
視之不見聽之不聞智將不怯而愚將拘之吾乃好  
賢而能用舉事而得時此則不看時日而事利不假

卜筮而事吉不禱祀而福從遂命驅之前進周公曰  
今時迎太歲龜灼言凶卜筮不吉皇變爲災請還師  
太公怒曰今紂剋比干囚箕子以飛廉爲政伐之有  
何不可枯草朽骨安可知乎乃焚龜折箸援抱而鼓  
率衆先涉河武王從之遂滅紂○大唐武德中淮南  
道行臺僕射輔公祐據丹陽反遣趙郡王孝恭爲行  
軍元帥討之將發與諸將宴集命取水忽變爲血在  
座者皆失色孝恭舉正自若徐諭之曰禍福無門惟  
人所召自顧無負於物諸君何憂懼之深公祐惡積  
禍盈今承廟筭以致討益中之血乃公祐授首之徵  
遂盡歡而罷時人深服其識度而能安衆竟平公祐



焉

散衆

後漢初河南賊張步據齊地漢將耿弇討敗之步肉

袒負斧鑕於軍門鑕也示必死鑕之正反鑕竹林反弇傳步詣行在

而勒兵入據其城樹十二郡旗鼓弁凡平陽城琅琊高密膠東東萊北

海齊千乘齊南平原秦山臨淄令步兵各以郡人詣旗下衆尚十餘

萬輜重七千餘兩皆罷遣歸鄉里齊地悉平○後魏

末河北賊萬榮爲魏將爾朱榮所擒餘衆悉降以賊

徒旣衆若即分割恐其疑懼或更結聚乃普告勒從

所樂親屬相隨任所居止於是群情喜悅登即四散

數千萬衆一時散盡待出百里之外乃始分道押領

隨便安置咸得其宜擢其渠帥量才受用新附者咸

安時人服其處分機

風雲氣候雜占語曰天時不如地利地利不如人和故附於未篇

孫子曰天者陰陽寒暑時節制也謂順天行誅因陰陽四時剛柔之制

故司馬法曰冬夏不興師所以兼愛吾民若細雨沐軍臨機必有捉迴風雨觸道還而無功雲類羣羊必

走之道氣如驚鹿必敗之勢黑雲出壘赤氣臨軍必敗之兆若烟非烟此慶雲也必勝若霧非霧是泣軍

也必敗是知風雲之占其來久矣太公曰凡興軍動衆陳兵天必見

其雲氣示之以安危故勝敗可逆知也其軍中有知

曉雲氣者厚寵之常令清朝若日午察彼軍及我軍

上氣色皆須記之若軍上氣不盛加警備守輒勿輕

戰戰則不足守則有餘察氣者軍之大要當令三五



人參焉登高若臨下察之進退以氣爲候凡與兵動  
衆忌大風雷而陰不見日凡氣初出如飀上氣勃勃  
上積爲霧霧爲陰陰氣結爲虹霓暈珥之屬如不積  
不結散漫一方不能爲災必和雜殺氣森森然疾起  
乃可論占常以平旦下晡日出沒時候之期內有風  
雨災不成或有黑氣如幢出於營中上黑下黃敵欲  
來求戰無誠實言及九日內必覺備之吉或日月陰  
沉無光不雨或十日晝夜不見日月名曰蒙曰久陰  
不雨下謀上也○凡敵上氣黃白潤澤者將有威德  
或軍上氣發漸漸如雲變作山形將有深謀或敵上  
氣黑中赤在前者將精悍皆不得擊○凡氣上僣天

連運中將賢良凡氣如龍如虎或如火煙之形或如  
火光之狀或如山林或如塵埃頭尖而卑或氣黑如  
門上樓皆猛將氣○凡敵上氣清而踈散者將怯弱  
前大後小將怯不明○凡軍上氣渾渾圓長赤氣在  
其中或有氣如赤杵在黑雲中皆有伏兵或兩軍相  
當赤氣在前後左右者有伏兵隨氣所在防之或有  
雲絞絞綿綿此以車騎爲伏兵或有雲如布席之狀  
此以步卒爲伏兵或有雲如山岳在外有伏兵不可  
不審察也○凡降人之氣如人十十五五皆以手低  
頭降之象或有氣上黃下白名曰喜氣所臨之軍欲  
求和退若風不旁勃旌旗暈暈順風面揚舉或向敵



終日軍行有功勝候也○凡敵軍上氣如山隄上林木不可與戰在吾軍大勝或如光火亦大勝或敵上白氣全沸如樓緣以赤氣者兵勁不可擊在吾軍必大勝或敵上氣黃白厚潤而重者切勿與戰或遙視軍上雲如鬪鷄赤白相隨在氣中得天助不可擊兩軍相當上有氣如蛇舉頭向敵者戰必勝○凡軍營上有五色氣上與天連此應天之軍不可擊有赤黃氣干天亦不可攻或有雲如日月而赤氣繞之如日暈狀有光者所見之地大勝不可攻敵上氣如虎狀其軍不可攻○若逆風來應氣旁勃牙旗折陰不見日旌旗揚敗候也○若雲氣從敵所來終日不上

吾軍不可出則不利若風氣俱來此為敗候在急也○凡敵上氣色如馬肝如死灰或類偃蓋皆敗徵或黑氣如壤山墮軍上者軍必敗或軍上氣昏發連夜照人則軍士散亂○或軍上有氣五色雜亂東西南北不定者其軍必敗○或軍上有赤氣炎炎降大將死衆亂○或軍上有黑氣如牛馬形從氣霧中下漸漸入軍名曰天狗下食血敗軍也○或有雲氣蓋道蒙蔽盡山此敗候○凡城中有白氣如旗者不可攻○或有黃雲臨城有大喜慶○或有青色如牛頭觸人者城不可攻屠○或城中氣出東方其色黃此天越也不可伐伐者死○或城上氣如火煙主人欲



出戰其氣無極者不可攻○或氣如杵從城中向外者內兵突出主人勝不可攻○或城上有雲分爲兩彗狀者攻不可得○凡攻城圍邑過旬日不雷雨者城有輔助疾去之勿攻也此皆勝氣○凡攻城圍邑赤氣在城上黃氣四面繞之城中有大將死城降○城上有赤氣如飛鳥擊之可破矣○或有氣出入者人欲逃○或有氣如灰氣出如覆其軍上者士多病城屠○或城上無雲氣士卒散○或城營上有赤雲狀如衆人頭下多死喪流血○攻城有白氣繞城而入者急攻可得若有曲蛇從城外入城者三日內城屠此皆敗氣○敵上有雲如直蓋不可擊若有雲如

變青蛇雲去可擊大勝○伏兵氣如幢節在黑雲中轉高銳不可擊○城營上見有雲如雄鷄城必降○邊城雲如蛟龍所見虜軍將失鬼敵上有雲長如引素如陣前曳或白黑色有謀青色有兵赤色有反黃色急去○敵上有氣如牽牛未可擊有雲如坐人赤色所臨必有卒兵來至驚恐須臾而去○凡占軍氣與敵相對將當諸軍中善相氣者厚寵之留令清朝若日中時察彼軍及我軍上氣皆紙筆錄記上將軍將軍察之若我軍上氣不善但警備鎮守勿接戰敵在東日出時在南日中在西日入在北夜半每庚子日及辰戌午未登五丈高臺去一里占百人以上便



有氣○氣如塵埃前卑後高者將士精銳不可擊○  
氣如隄阪前後摩地避之勿擊○見彼軍上氣如塵  
埃沸粉其色黃白如旗旛暉暉然無風而動將士勇  
猛不可擊我軍如此亦不用戰○對敵或有氣來甚  
卑不蔭覆人上下掩搆蓋道者大賊必至食不及飽  
嚴備之○凡雲起王相者吉凶死者凶有勝無實勝  
虛高勝下澤勝枯長勝短厚勝薄我軍在西賊軍在  
東西高東下西厚東薄西澤東枯西長東短則我軍  
勝也他皆故此兩軍相對遙見軍上有氣紛紛勃勃如烟  
如塵賊凶敗○軍上下日無氣者其軍必敗○若我  
軍無氣將脩德撫士衆存問寒暑警誠固守有赤色

氣如火從天下入軍軍亂將死有黑氣如牛猪者瓦  
解之氣軍必敗有白氣如瓜蔓遶結部隊相逐須臾  
罷而復出及至八九面不斷者賊必至嚴守之○若  
兩氣蒙圍城有入虞者外兵當攻入若有出者內兵  
當突出凡氣安即軍安也氣動搖則軍不安氣四散  
去軍破且敗其氣如羣羊擊之必大尅○兩軍相當  
有氣如飛鳥徘徊在其城上或來而高者兵銳不可  
擊○兩軍相去十里內三里外軍上無氣是死兵擊  
之必大勝也○兩軍欲戰視彼軍氣氤氳如焚生草  
之烟者必初精銳不可當待其氣散擊之必勝其氣  
黑出如山帶黃是謝氣敵人自降○軍敗之氣如率



鳥亂飛疾伐之必大勝○氣乍明乍暗皆有詐謀氣  
過旬不散城有大輔疾去之勿攻○凡敵上氣如雙  
蛇飛鳥如缺垣如壤屋如人無頭如驚麋如走鹿相  
逐如雞相向皆為敗軍殺將之氣敵上氣如困倉谷  
白見日益明者將士銳不可擊之○敵上氣黑中有  
赤氣在前精悍不可當○敵上氣如轉蓬者擊之立  
破○天子雲如千倉如高樓如城門華蓋或赤黃正  
四方○遊兵氣如彗雲掃除或數百丈萬萬無根本  
○敗軍之氣如破軍如人無足無臂○若下輕其將  
妖恠並作衆口相惑當脩德省令繕礪鋒甲勤誠誓  
士以避天怒然後復擇吉日祭牙旗具太牢之饌震

鼓鐸之音誠心啓請以備天問觀其詳應矣○若人  
馬喜躍旌旗皆前指金鐸之聲揚以清鞞鼓之音宛  
以鳴此得神明之助持以安衆心乃可用矣雖云用  
賢使能則不占而事利令明法審則不筮而計成封  
功賞勞則不禱而福從同其共苦則犯逆而功就然  
而臨機制用亦有此為助焉